

E BON NOTICIA

Diamars, Mateo 5,13-16

"Bosonan ta salo di tera. Ma si salo ta perde su forza, cu kico hende lo sala? E no ta sirbi pa nada otro sino pa keda tira afor y trapa pa pia di hende. Bosonan ta luz di mundo. Un stad no por keda scondi, si e ta situa riba un cero. Dipursi tampoco hende no ta pega un lampi pa pone bao di midir di trigo, ma hende ta pone ariba un candelar, di modo cu e ta duna claridad pa tur cu ta den cas. Asina boso luz tambe mester briya den vista di hendenan pa nan mira boso bon obranan y glorifica boso Tata cu ta den cielo."

REFLEXION

Den e pasashi aki Jesus mes ta yama nos Luz di Mundo. E ta entrega nos un titulo y un funcion, cu te na e momento tabata duna solamente na Ley, na e Palabra di Dios.

Pero asina tambe Jesus ta entrega nos e tarea pa percura pa e lealtad y misericordia di Dios haya un cara, pa asina nos por proclama e Evangelio ora nos presentamos nos mes na otroan.

Jesus ta yama nos tambe: e ciudad ariba e cero. E ciudad di paz, caminda Dios mes ta biba. E forma cu nos ta biba cu otro por ta un señal di su paz den un mundo yena cu violencia y envidia.

Den practica diario nos mester midi kico ta importante pa esnan cu ta rondona nos; acerca asuntonan cu diplomacia y busca na forma persistente solucion pa conflictonan. E tarea di Jesus ta significa tambe, deshaci di cualquier deseo pa saca honor for di un tarea o asumi un actitud egoista. Pa por ta luz di mundo, nos mester cana den luz di Jesus y permiti nos mes transporta e luz aki pa otroan.

NOTICIA SENSACIONAL

Boolchands tin e honor di presentat tur hende di Aruba cu Boolchands a habri un lugar nobo den Sea Port Village Mall bao e nomber di **"ST. MICHAEL"** Boutique nabda di **BYE BEY** y nan tin un seleccion di interior pa henter famia cu 10% di descuento te dia 30 di juni 1990. Pasa y comproba pa bo mes.



HAGEMEYER

Aruba, Fergusonstraat 114

tin mester di:

Koelmonteurs y Helper
(full-time of part-time)

pa drenta den servicio inmediato

Pa solicita, por yama tel:

21617/22077 pa un sita

650 persona lo worde entrevistada Salubridad publico ta tene encuesta na Aruba

ORANJESTAD(AAN) -- Salubridad Publico ta haciendo un encuesta cu e fin pa haya un bista riba:

- E salud di e pueblo
- E uso di servicicionan medico
- E satisfaccion pa cu e servicicionan medico

Esakinan ta informacionnan valioso cu pa gran parti no ta disponen di dje. E informacionnan

cu tin, mayoria ta incorrecto y inconfiante.

E resultado di e encuesta lo worde usa pa por haci pronostico y formula opcionnan di maneho.

Den e proximo 4 lunanan, cuminzando desde e tercer siman di Juni, e encuesta lo cuminsa. E lo ta mas bien den forma di un interview. Mas o

menos 650 persona lo worde entrevistada cu lo representa henter e poblacion.

E encuesta aki lo worde efectua pa drs. Gisela de Veer y drs. Caroll Kock bao guia di director di Salubridad Publico prof. dr. Vorst. E intension ta pa termina e investigacion aki fin di aña y e resultadonan lo ta disponible na Januari 1991.



Diasabraatardi, oficialmente e oficina di FADA a habri su porta pa publico, den Johan van Walbeekstraat. E openhouse cu FADA a tene lo bira un centro di informacion pa adultonan, hobennan, schoolnan y lo demas por ricibi informacion. Lectura lo ser duna pa asina frena e problema di droga den nos comunidad. Libremente por tuma contacto cu FADA na telefoon 32999.



The Mill
Condominium Resort

The Mill Condominium Resort,

un compania nobo cu lo ta inaugurando na Juli proximo tin mester di:

- Room attendants
- housemen
- poolattendants
- bellmen

Requisitonan: * entusiasmo pa traha
* bon personalidad

Nos ta ofrece: * atmosfera placentero
* bon condicion di trabao
* training si tin mester
* bon salario

Pasa personalmente na nos oficina pa mas informacion of yama nos departamento di personal na telefoon: 35033/35066